

BOETELEDIPELE JWA GLOBAL SOUTH MABAPI LE DITSHIDI KE KAKARETSO LE TSHOMARELO

Mafoko a Botlhokwa

Tekatekano, mefutafuta, kakaretso, banaleseabe ba lefelo, tirisanommogo ya mafatshefatshe.

Tshobokanyo

Go nonotsha batsayakarolo ba babatlisisi ba Global South mo ditsheding tsa boboatsasi le tshomarelo ke se borasasense ba rona ba batlang go se fitlhelela, mme dikakantsho tsa go tokafatsa tse di akarediwang gantsi di lebiwa go ditheo tsa Global North le babatlisisi. Lefa gone ditokafatso tseno e le tsa botlhokwa, go na le dikgwetlho tse di sa tshwaneng le dipe mabapi le mefutafuta ya batho, tekatekano le go sa tlaolwe (DEI) mo Global South tse di bakiwang ke maemo a yone a inkomoni le loago, setso le saense.

Ka jalo, diphetogo tse di thailweng mo Global South di botlhokwa malebana le diphetogo tsa nako e telele tsa DEI, se se tshomamisang gore patlisiso ya ditshedi tsa boboatsatsi le tshomarelo di imolola mathata a mo nakong eno a mefutafuta ya ditshedi. Re akantsha dikgato tse some tsa botlhokwa tse di tshwanetseng go dirwa mabapi le ditirisano tsa tekatekano mo mafatsheng otlhe ka ditshedi tsa boboatsatsi, tse di ka nnang tsa tokafatsa DEI mo maemong a setheo, naga le mafatshefatshe, di eteletswe pele ke babatlisisi ba Global South. Mo maemong a setheo, re akantsha (1) go nna batlhomasekao ba DEI, (2) go simolola patlisiso mmogo le banaleseabe ba lefelo, le (3) go rotloeletsa taolo e go sa fitlhweng sepe ya thuso ka madi go thusa baitse ba saense ba lefelo. Mo maemong a naga, re kgothaletsa (4) go tsaya karolo mo ditirong tsa polotiki go sireletsa baitse ba saense le patlisiso ya bone mo dinageng tsa boboatsatsi, (5) go tsaya karolo mo tokafatsong ya dipholisi tsa patlisiso ya mefutafuta ya ditshedi, le (6) go tihama patlisiso e e fitlhelang morafe. Mo maemong a mafatshefatshe, re kgothatsa babatlisisi ba Global South mo tirisanong ya bone ya mafatshefatshe go (7) etelela pele le go kaela dikopo tsa thuso ya madi, (8) go tshomamisa morwalo wa tiro e e lekalekanang, le (9) go buelela mesola e e lekalekanang gareng ga badirisanimmogo ba naga le ba mafatshe a sele. Sa bofelo, (10) re akantsha gore boeteledipele jwa Global South mo maitekong a lefatshe lotlhe bo nne le bokgoni jo bogolo jwa go tokatsa DEI mo lefatsheng lotlhe, bo tshomamisa gore go nna le diphetogo tse di siameng tsa nako e telele mo morafeng wa rona wa baitse ba saense Matheriale wa tlaeletso o naya kgatiso eno ka dipuo tse dingwe tse di buiwang mo Global South.